



25 Aogositra 2020 (Past Zaranaina ANDRIALAMPISON)

Mpitandrina : Amin'ny anaran'ny Ray sy ny Zanaka ary ny Fanahy Masina. Amena.

Hira : 12 FFPM and 1 « Jehovah ô, derainay Ianao » (feo zafindraony)

Vavaka (Mpitandrina)

Lohahevitra : Ny lohahevitra banjinintsika amin'ity tolakandro ity dia ny hoe : « *Ny asa misionan'I Jesosy Kristy.* » Ny Soratra Masina hanankinana ny fanadihadiana dia ny Mat 8, 23 - 9, 35

Vakiteny 1: Mat 8, 23-27

"23 Ary nony niondrana an-tsambokely Izy, dia nanaraka Azy ny mpianany.24 Ary, indro, nisy tafio-drivotra mafy tonga tamin' ny ranomasina, ka dia efa nila ho voasafotry ny alon-drano ny sambokely; fa Izy natory.25 Ary nanatona izy ireo, dia namoha Azy ka nanao hoe: Tompoko, vonjeo, fa maty izahay!26 Ary hoy Izy taminy: Nahoana no saro-tahotra hianareo, ry kely finoana? Dia nitsangana Izy, ka noteneniny mafy ny rivotra sy ny ranomasina, dia tonga tony tsara ny andro.27 Ary talanjona ny olona ka nanao hoe: Lehilahy manao ahoana re Io, fa ny rivotra sy ny ranomasina aza dia manaiky Azy!"

Hira : 19 FF and 1 « Raha Jehovah no Mpiandry »

Vavaka :

Fisaorana an'Andriamanitra mpahary izao rehetra izao.

Fisaorana Azy noho ny fandaharany sy ny fitondrany mahasoana.

Vavaka (Mpitandrina)

Vakiteny 2: Mat 8, 28-32

"28 Ary nony tonga teny am-pita teo amin' ny tanin' ny Gadarena Izy, dia nifanena taminy ny demoniaka roa lahy, nivoaka avy teny amin' ny fasana, sady masiaka loatra, ka tsy nisy olona nahazo nandalo tamin' izany lalana izany.²⁹ Ary, indro, niantso izy ka nanao hoe: Moa mifaninona akory izahay sy Hianao, ry Zanak' Andriamanitra ô? Tonga eto va Hianao hampijaly anay alohan' ny fotoana?³⁰ Ary nisy kisoa maro andiany iray nihinana teny lavidavitra azy teny.³¹ Ary ny demonia nifona tamin' i Jesosy ka nanao hoe: Raha avoakanao ary izahay, dia iraho hankany anatin' ireo kisoa andiany ireo.³² Ary hoy Izy taminy: Mandehana. Dia nivoaka ireo, ka lasa nankany anatin' ny kisoa; ary, indreny, ny kisoa andiany rehetra nitratrevatreva teny amin' ny hantsana ho any amin' ny ranomasina, ka dia maty tany anatin' ny rano."

Hira : 19 FF and 2

Vavaka :

Fankalazana an'Andriamanitra mpandresy ary fametrahana ny fiainana eo am-pelantanany.

Vavaka (Mpitandrina)

Vakiteny 3 : Mat 9, 1-8

"1 Ary niondrana an-tsambokely Izy, dia nita ka tonga tao antanàny.² Ary, indro, nisy lehilahy anankiray mararin' ny paralysisa nandry tamin' ny fandriana nentin' ny olona teo aminy; ary Jesosy, nony

nahita ny finoan' ireo, dia nanao tamin' ilay mararin' ny paralyisa hoe: Matokia, anaka; voavela ny helokao.

3 Ary, indreo, ny mpanora-dalàna sasany nanao anakampo hoe: Miteny ratsy ity Lehilahy ity.4 Fa Jesosy nahafantatra ny eritreriny, dia nanao hoe: Nahoana hianareo no mieritreri-dratsy ao am-ponareo?5 Fa iza moa no moramora kokoa, ny manao hoe va: Voavela ny helokao, sa ny manao hoe: Mitsangàna, ka mandehana?6 Fa mba ho fantatrareo fa ny Zanak' olona manana fahefana eto ambonin' ny tany hamela heloka (dia hoy Izy tamin' ilay mararin' ny paralyisa): Mitsangàna, betao ny fandrianao, ka modia any an-tranona.7 Dia nitsangana izy ka lasa nody tany an-tranony.8 Ary ny vahoaka, raha nahita izany, dia raiki-tahotra ka nankalaza an' Andriamanitra, Izay nanome ny olona fahefana toy izany."

Hira : 19 FF and 3

Vavaka :

Fisaorana an'Andriamanitra noho ny Teniny – izay mitarika antsika hitoetra mandrakariva ao amin'ny Fanjakany.

Vavaka (Mpitandrina)

Vakiteny 4 : Mat 9, 9-13

"9 Ary nony niala teo Jesosy, dia nahita lehilahy atao hoe Matio nipetraka teo am-pamorian-ketra, ka hoy Izy taminy; Andeha hanaraka Ahy. Dia nitsangana Matio ka nanaraka Azy.10 Ary raha nipetraka nihinana tao an-trano Izy, indreo, nisy mpanota sy mpamory hetra maro tonga ka niara-nipetraka tamin' i Jesosy mbamin' ny mpianany.11 Ary ny Fariseo, raha nahita izany, dia niteny tamin' ny mpianatra hoe: Nahoana kosa ny Mpampianatra anareo no miara-komana amin' ny mpamory hetra sy ny mpanota?12 Ary raha nahare izany Jesosy, dia nanao hoe: Tsy ny finaritra

no mila mpanao fanafody, fa ny marary.13 Fa mandehana ka mianara izay hevitra ny teny hoe: famindrampo no sitrako, fa tsy fanatitra alatsa-drà; fa tsy tonga hiantso ny marina Aho, fa ny mpanota.”

Hira : 19 FF and 4

Vavaka:

Vavaka fifonana noho ny heloka sy ny ratsy vita – noho ny tsi-finoana

Fangatahana ny Tompo hamonjy sy hijery manokana ireo mijaly sy ory amin'izao fiainana izao – ireo marary - ireo azon'ny manjo sns.

Vavaka (Mpitandrina)

Vakiteny 5 : Mat 9, 14-17

“14 Dia nankany amin' i Jesosy ny mpianatr' i Jaona ka nanao hoe: Nahoana izahay sy ny Fariseo no mifady hanina matetika, fa ny mpianatrao kosa tsy mba mifady?15 Ary hoy Jesosy taminy: Moa mahay misaona va ny havan' ny mpampakatra, raha mbola ao aminy ihany ny mpampakatra? fa ho avy ny andro izay hanesorana ny mpampakatra hiala aminy, dia amin' izay vao hifady izy.16 Ary tsy misy olona manampina lamba tonta amin' ny tapa-damba tsy mbola voalòna; fa ny vaovao izay natampina dia handrovitra ny lamba, ka hitatra ny triatra.17 Ary tsy misy manisy divay vaovao ao anaty siny hoditra tonta; raha izany, dia ho triatra ny siny hoditra, ka ho raraka ny divay, sady ho simba ny siny hoditra; fa ny siny hoditra vaovao no asian' ny olona divay vaovao, dia miara-maharitra izy roroa.”

Hira : 34 FF and 1 « Tompo Malala ô! »

Vavaka :

Ho an'ny Fiangonana kristiana manerana ny tany, isan'izany ny FPMA amin'ny misiona napetrak'Andriamanitra aminy dia ny fitoriana ny Filazantsaran'I Kristy amin'ny teny sy ny asa.

Vavaka (Mpitandrina)

Vakiteny 6 : Mat 9, 18-26

« 18 Raha mbola nilaza izany taminy Izy, indro, tonga ny mpanapaka anankiray, dia niankohoka teo anatrehany ka nanao hoe: Maty ankehitriny izao ny zanako-vavy; fa andeha re, mametraha ny tananao aminy, dia ho velona izy.19 Dia nitsangana nanaraka azy Jesosy mbamin' ny mpianany.20 Ary, indro, nisy vehivavy anankiray, izay efa narary roa ambin' ny folo taona, nankeo ivohony ka nanendry ny somotraviavin-dambany.21 Fa hoy izy anakampony: Na dia ny lambany ihany aza no ho voatendriko, dia ho sitrana aho.22 Ary Jesosy nihodina ka nahita azy, dia nanao hoe: Matokia, ry zanako-vavy, ny finoanao no efa nahasitrana anao. Dia sitrana ilay vehivavy tamin' izay ora izay.23 Ary Jesosy, nony niditra tao an-tranon' ilay mpanapaka ka nahita ny mpitsoka sodina sy ny vahoaka nitabataba,24 dia nanao hoe: Mivoaha; fa tsy maty razazavavy, fa matory. Dia nihomehy Azy fatratra ny olona.25 Ary nony efa navoaka ny olona, dia niditra Jesosy ka nandray ny tanaan-drazazavavy, dia nitsangana izy.26 Ary ny lazan' izany dia niely tamin' izany tany rehetra izany.»

Hira : 34 FF and 3

Vavaka :

Ho an'ny isan-tokantrano - ho an'ny firenena rehetra manerana ny tany-isnan'izany I Madagasikara mba hanjakan'I Kristy Mpanjaka.

Hetaheta manokana

Vavaka (Mpitandrina) + « Rainay izay any an-danitra... »

Hafatra :

"Isaorana anie Andriamanitra, Izay manome antsika ny fandresena amin' ny alalan' i Jesosy Kristy Tompontosika." (1 Kor 15, 57)

Tsodrano :

« Ho aminareo rehetra anie ny fahasovan' i Jesosy Kristy Tompo sy ny fitiavan' Andriamanitra Ray ary ny firaisana amin' ny Fanahy Masina. » (2 Kor 13, 14)

Mpitarika: Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadanan'ny Tompo. Amena.